

Tup hoi ɲaiye Jon nainge

¹ Ɗam Jon, miye embep ende ɲoto sios ɲaiye mainge tup e e. Tup e e ki nala elme amai ɲaiye Got si nalanatme ti wenge lenge talah ti.* Ɗoihmbwaip ɲam ɲende nihararme yip ɲembere sekete. Kom yukur ɲam ilyeh mende nihararme yip, pakai. Lenge mitiɲ sye ɲaiye si sisyeme wusyep mise, tinge topo e yende nihararme yip.

² Detale, poi si lalme masande wusyep mise luku pe, ki sai nato ɲoihmbwaip poi pe, ka si nye nyermbe.

³ Ɗam masande Yai Got, topo e Talah kin Jisas Krais ka yende poi ya murp ɲoihmbwaip ɲumwaiye, ɲoih mi mi topo e ɲoihginir. Luku ka ot ɲupe ɲaiye ya gunde wusyep mise, topo e mende nihararme lenge to tatai.

Poi ya mende nihararme lenge miye tuweinge

⁴ Ɗam hriphrip supule ɲaiye ɲam masande nange lenge talah nin sye , tinge jande yanah ɲaiye bwore mise supule, ɲahilyeh ta e Yai ɲaiye si nalanatme poi nange ya gunde.

⁵ Ta e luku pe, amai, tehei ɲaiye tukwini ɲam mainge tup e e malme nin ta e le e, ya lalme mende nihararme lenge mitiɲ lalme. Wusyep erɲeme le e yukur ki ɲambaran me yip, pakai.

* **1.1** Jon ɲanange wusyep tapimbilme nal me sios ɲaiye kin ɲende nihararme pe, kin galme nange amai kin. **1.5** Jon 13.34, 15.12,17

Wusyep erɲeme le e somohon ɲendeheiyeh poi masande.

⁶ Poi ya mende nihararme Got ɲaiye ya gunde wusyep erɲeme kin lalme. Wusyep erɲeme ki ta e le e, pa lalme yende niharar tu e ɲaiye somohon ɲendeheiyeh yip yasande.

⁷ Lenge miye hombo e wula wula si yal e yal e yal moiye moiye kekep lalme. ɲaiye lahende tinge ka ininge nange Jisas Kraiis yukur si nat kekep e e ta e miye hi pe, kin miye hombo e topo e kin wachaih tikin Kraiis.

⁸ Noihme ɲaiye pa yusyunde wusyep tinge no, pa junde tinge, na pakai. Yip bepyeteme yiptip bworerme pe, yukur pa se yusme ɲaimune ɲaiye yip yende wah nihe ɲaiye pa yamba e, kom yitini yip lalme luku se pa yamba me Yai Got.

⁹ Lahmende ɲaiye sisyeme wusyep ɲoinde tikin, kut yukur kin gande wusyep tikin Kraiis ɲaiye sai tup pe, Got yukur narp nato kin. O lahmende ɲaiye gande wusyep ɲaiye sai nato tup pe, Yai hindi Talah yarp yoto kin.

¹⁰ ɲaiye lahende nata eteke yip, kom kin ɲanange wusyep ɲoinde tikin pe, yukur pa yamba e kin yenge yil yokoh, topo e yukur pa yininge wusyep yirisukwarme kin, pakai.

¹¹ O ɲaiye lahende ka irisukwarme kin pe, miye uku kin si gahilyeh topo e kin pe, kin nungwisme wah pupwa ɲaiye kin ɲende.

Wusyep yuwo

¹² Wusyep ɲam wula wula sekete ɲaiye ma minge guh tup member mil me yip, kom yukur tatame ɲaiye ma minge guh tup, pakai. Kom ɲam

ηoihmeriyembe ηaiye ηup ende ma muta meteke yip,
topo e yip pa yeteke ηam pe, ya se lalme mininge
wusyep mil ilyeh pe, ya lalme murp hriphrip.

¹³ Lenge moihe mihyen yip yember wusyep
hriphrip tinge yatme yip. Somohonme Got si
nalanatme tinge ηaiye kitikin.†

† **1.13** Lenge moihe mihyen, tinge Kristen miye tuweinge nato sios
ηaiye Jon narp.

Wusyep Bwore tikin Got
The New Testament in the Urat language of Papua New
Guinea

Nupela Testamen long tok ples Urat long Niugini

copyright © 2016 Wycliffe Bible Translators, Inc.

Language: Urat

Dialect: Yehre

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-12-22

PDF generated using Haiola and XeLaTeX on 18 Apr 2025 from source files dated 31 Aug 2023

b1232770-1b46-5621-8804-a5f6c65fee26